

Zeitschrift: Igl Ischi : organ della Romania (Societat de Students Romontschs)
Band: 79 (1997)
Heft: 6

Artikel: Poesias
Autor: Rùthers-Seeli, Tresa
DOI: <https://doi.org/10.5169/seals-881671>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 06.10.2024

ETH-Bibliothek Zürich, E-Periodica, <https://www.e-periodica.ch>

Poesias

Noda-casa

Ti has tagliau
en miu peil
tia noda-casa

ed ussa
stos jeu ir
persula
cun mia pial
ella gerba

Noda-casa

Pintga, pren quella forsk ch'ei leu sil lenn sur il pursepen. Leu davos, sper la cua, taglias ti el peil als tiers numera 26. Jeu volvel la sadiala cul funs ensi, per puder tier, e semettel alla lavur. Stai eri, puscha, ni che la noda vegn tut uiarscha. Las vaccas megian, ellas san tgei che quella cerimonia munta. Ils stiarls seglian dad ina comba sin l'otra. Damaun mein nus ad alp cun nies muvelun da sis tgaus e mia luschezia tonscha entochen sisum ils cuolms.

Neiv matg

Jeu fierel
el tschiel
il crap
giud'il cor

crod'el
ellas frastgas
neiv'ei
ina neiv
da fluras
tscherscher

Miu èr

Volva
mia trav
sin tia vart
e semna

culs tgapers
ein stai
pils cos

Zuppabeinbein

Sch'il vierm
vul sezuppar
fora el ina ruosna
ella tiara

sche nus lein
sezuppar
sezugliein nus
en nos plaid

Fidonza

La via
vegn pli e pli
graschla
atras il
stretg
vegns ti purtaus

cul clar
va da rendiu
da nossa vart
dil cuolm
cumpara beingleiti
il carr grond
vid il tschiel

